



**TEKS UCAPAN  
YB MENTERI BELIA DAN SUKAN**

**MAJLIS ANUGERAH SUKAN PEKAK NEGARA  
(ASPN) 2025**

**28 JANUARI 2026**

**MAJLIS SUKAN NEGARA**

1. SETINGGI-TINGGI RASA SYUKUR DIRAFAKKAN KE HADRAT ALLAH SWT ATAS KEJAYAAN SERTA KELANCARAN PENGANJURAN MAJLIS ANUGERAH SUKAN PEKAK NEGARA (ASPN) 2025 PADA PAGI INI.
2. SEKALUNG UCAPAN TAHNIAH DAN SYABAS JUGA DIUCAPKAN KEPADA PERSATUAN SUKAN ORANG PEKAK MALAYSIA (MSDEAF) KERANA BERJAYA MENGANJURKAN ANUGERAH YANG CUKUP GILANG-GEMILANG INI.
3. ANUGERAH INI BUKAN SAHAJA MENUNJUKKAN RASA TERIMA KASIH SELAIN MENGHARGAI JASA PARA ATLET PEKAK NEGARA TETAPI, IA JUGA LAMBANG PENGHARGAAN KEPADA INDIVIDU YANG TELAH BANYAK MEMBERI SUMBANGAN BAKTI KEPADA PEMBANGUNAN SUKAN PEKAK NEGARA.

### **KEJAYAAN SUKAN PARA ASEAN THAILAND 2025**

TUAN-TUAN DAN PUAN-PUAN YANG DIHORMATI SEKALIAN,

4. BARU-BARU INI MALAYSIA TELAH DIKEJUTKAN DENGAN PRESTASI LUAR BIASA DARIPADA BARISAN ATLET PARA NEGARA DI SUKAN PARA ASEAN THAILAND 2025.
5. PADA AWALNYA KITA HANYA MENYASARKAN 181 PINGAT KESELURUHAN TETAPI, ATAS SEMANGAT JUANG TINGGI, 201 SATU PINGAT TELAH BERJAYA DIBAWA PULANG KE NEGARA KITA. INI SEMUA ADALAH HASIL DARIPADA USAHA, DISIPLIN DAN KERJA KERAS BARISAN ATLET DAN PARA JURULATIH.

6. SAYA SENDIRI TURUN PADANG KE KORAT UNTUK MENYAKSIKAN SENDIRI PERJUANGAN SEMUA WIRA DAN WIRAWATI NEGARA KITA DI SANA. SEMEMANGNYA, SEMANGAT YANG DITUNJUKKAN CUKUP LUAR BIASA, BERJUANG HABIS-HABISAN UNTUK MALAYSIA TERCINTA. SYABAS SAYA UCAPKAN!

**KEHEBATAN ATLET PEKAK NEGARA MENGHARUMKAN NAMA MALAYSIA**

TUAN-TUAN DAN PUAN-PUAN,

7. KEJAYAAN PARA ATLET PEKAK NEGARA SEMEMANGNYA TIDAK JUGA KURANG HEBATNYA. SEMANGAT DAN PENGORBANAN YANG DICURAHKAN UNTUK MENGHARUMKAN NAMA NEGARA SENTIASA TERTANAM DI JIWA SERTA SANUBARI MASING-MASING.

8. INI TERBUKTI APABILA PARA WIRA DAN WIRAWATI ATLET PEKAK NEGARA TELAH BERJAYA MENYINAR DI PENTAS SUKAN DEAFLYMPICS TOKYO 2025 YANG MANA MENYAKSIKAN **PINGAT EMAS PERTAMA MALAYSIA BERJAYA DISUMBANGKAN DARIPADA ACARA BOLING SELAIN PINGAT PERAK BAGI ACARA BEREGU WANITA.**

9. PADA SUKAN SEA PEKAK JAKARTA 2025, ATLET PEKAK NEGARA TELAH MENUNJUKKAN PRESTASI AMAT LUAR BIASA DAN CUKUP BERTENAGA. PADA TEMASYA INI, MALAYSIA TELAH MUNCUL SEBAGAI **JUARA KESELURUHAN DENGAN PENCAPAIAN CEMERLANG 25 PINGAT EMAS** SEKALI GUS, MENUNJUKKAN DOMINASI DALAM SUKAN PEKAK RANTAU INI, TERUTAMANYA MELALUI SUKAN OLAHRAGA. SYABAS DAN TAHNIAH! SELURUH RAKYAT MALAYSIA AMAT BERBANGGA DENGAN PENCAPAIAN INI!

### **PENGHARGAAN KERAJAAN TERHADAP ATLET PEKAK**

TUAN-TUAN DAN PUAN-PUAN YANG SAYA HORMATI,

10. SUMBANGAN SERTA PENGORBANAN YANG DITUNJUKKAN OLEH ATLET PEKAK SENTIASA DIHARGAI OLEH PIHAK KERAJAAN. SECARA PERIBADI, SAYA AMAT MENYOKONG MAJLIS ANUGERAH SEPERTI INI BAGI MENGHARGAI DAN MENGIKTIRAF PERJUANGAN PARA ATLET PEKAK NEGARA SELAMA INI.

11. PERDANA MENTERI, YAB DATO' SERI ANWAR IBRAHIM SEBELUM INI JUGA TELAH **MELULUSKAN PERMOHONAN GERAN BANTUAN DANA BERJUMLAH RM3 JUTA** SEBAGAI MENYOKONG PELAKSANAAN PROGRAM SUKAN PEKAK SEMPENA PENYERTAAN MALAYSIA PADA TEMASYA DEAFLYMPICS TOKYO 2025.

12. PADA TAHUN INI, KERAJAAN TERUS KOMITED UNTUK MEMBANGUNKAN SELAIN MENGIKTIRAF JASA SERTA PENGORBANAN PARA ATLET PEKAK NEGARA. JUSTERU, KERAJAAN TELAH **MELULUSKAN TAMBAHAN GERAN BANTUAN BERJUMLAH RM2 JUTA** BAGI MENYOKONG KESINAMBUNGAN PROGRAM PEMBANGUNAN SUKAN ATLET-ATLET PEKAK NEGARA.

13. BAGI TERUS MELONJAK SEMANGAT DAN MOTIVASI PARA ATLET PEKAK, **KERAJAAN JUGA TELAH MEMUKTAMADKAN PEMBERIAN SHAKAM KEPADA ATLET-ATLET PEKAK NEGARA YANG TELAH MEMENANGI PINGAT DI SUKAN WARGA PEKAK ANTARABANGSA SEPERTI DEAFLYMPICS GAMES, ASIA PACIFIC DEAF GAMES DAN SEA DEAF GAMES.** INSYA-ALLAH, MUDAH-MUDAHAN KELULUSAN SHAKAM INI AKAN MEMBERI SUNTIKAN SEMANGAT DAN MOTIVASI KEPADA SEMUA ATLET PEKAK NEGARA.

### **PENUTUP**

TUAN-TUAN DAN PUAN-PUAN,

14. AKHIR KATA, SEKALI LAGI SAYA INGIN MERAKAMKAN SETINGGI-TINGGI UCAPAN TAHNIAH DAN TERIMA KASIH TIDAK TERHINGGA KEPADA SEMUA ATLET PEKAK NEGARA YANG TELAH MENUNJUKKAN DEDIKASI, DISIPLIN SERTA SEMANGAT JUANG LUAR BIASA.

15. TAHNIAH DAN SETINGGI-TINGGI PENGHARGAAN JUGA DIUCAPKAN KEPADA PARA JURULATIH ATAS KOMITMEN, BIMBINGAN SERTA PENGORBANAN BERTERUSAN DALAM MEMBENTUK ATLET-ATLET BERPRESTASI TINGGI. KEJAYAAN PARA ATLET PASTINYA TIDAK AKAN DAPAT DICAPAI TANPA SOKONGAN, KEPAKARAN DAN USAHA GIGIH BARISAN JURULATIH YANG SENTIASA BERADA DI BELAKANG TABIR.
16. TIDAK KETINGGALAN, SETINGGI-TINGGI TAHNIAH DIUCAPKAN KEPADA PARA KEPIMPINAN SUKAN SERTA SEMUA PENERIMA ANUGERAH PADA HARI INI. SEMOGA PENGIKTIRAFAN INI MENJADI PEMANGKIN SEMANGAT UNTUK TERUS MEMPERKASA PEMBANGUNAN SUKAN PEKAK NEGARA DAN MENGHARUMKAN NAMA MALAYSIA DI PERSADA DUNIA PADA MASA HADAPAN.

SEKIAN, TERIMA KASIH.

**YB DR. TAUFIQ JOHARI**

MENTERI BELIA DAN SUKAN

28 JANUARI 2026